

(Civil Jurisdiction)

BETWEEN: KAMUEL QUEALAV

(COMPLAINANT)

AND: JOHN ATKIN

(DEFENDANT)

MATTER: PAYMENT OF DEBT VT 10,800 PLUS COSTS

Coram: Justice David Lug
Justice Badley George
Justice Phillip Morres Tabe

Clerk: Fredington Aru

JUDGMENT

Case bitwin Kamuel Quealav mo John Atkin hemi wan case blong kaon long store. Complainant Kamuel Quealav hemi se defendant Atkin I tekem sam goods long store blong hem mo ino bin pem. From rison ia hemi stap applae ikam long Kot blong givim oda blong defendant John Atkin imas pemaot kaon blong hem we istap long store blong hem.

Bae I lukluk blong faenemaot se itru or no se defendant John Atkin I gat kaon long store blong complainant. Sapose kot I faenemaot se I tru defendant John Atkin I gat kaon bae hemi lukluk blong decidem se hamas nao bae defendant ipem iko long complainant.

Long Kot complainant hemi testify se kaon long store we defendant I mekem hemi blong bag flour. Complainant hemi talem se defendant I tekem ol flour ia mo ino pem. Hemi se hemi bin mekem wan approach blong luk defendant blong pem be still defendant I fail.

Long kwesten blong Kot igo long defendant se I tru se kaon ia I blong hem from flour mo defendant I ansa se 'yes'. Defendant I talem se hemi bin kaon ol bag flour blong kukum bread mo pembak kaon long store. Hemi se I happen se ol man I kaon ol breads mo no pem so imekem se hemi no save pem kaon blong flour we istap long store blong complainant.



Kot I faenemaot se defendant igat kaon wetem complainant. Hemi kwestenem defendant long rod blong winim money. Long response hemi se hemi stap mekem copra; samples 10 bags olsem long wan trip.

Follem admission mo liability blong defendant long case ia; Court istap givim ol orders olsem.

Court Orders.

1. Defendant John Atkin blong pem VT 8,000 long complainant olsem payment blong kaon blong hem.
2. Pem VT 1,000 costs blong tekem case ikam long Kot
3. Pem bifo 11th November 2012
4. Any party ino satisfy long decision ia igat right blong apil inside long 30 days.




DATED AT GAUA THIS 11TH DAY OF OCTOBER 2012

BY THE COURT



Justice David Lug



Justice Badley George



Justice Phillip Morres Tabu

